

四庫全書

子部

欽定四庫全書

子部

困學紀聞卷五

詳校官中書臣張經田

員外郎臣牛稔文覆勘

總校官降調編修臣倉聖脉

校對官主事臣陳文樞

勝錄監生臣吳炳

欽定四庫全書

困學紀聞卷五

宋 王應麟 撰

儀禮

三禮義宗云儀禮十七篇吉禮三凶禮四賓禮三嘉禮  
七軍禮皆亡禮器注曲禮謂今禮也即指儀禮而儀  
禮疏云亦名曲禮

晉荀勗亦云

朱文公從漢書臣瓚注謂

儀禮乃經禮也曲禮皆微文小節如今曲禮少儀內

則玉藻弟子職所謂威儀三千也逸禮中雷在月令注疏奔喪投壺釋文引鄭氏云實曲禮之正篇又遷廟釁廟見大戴記可補經禮之闕

韓文公讀儀禮謂考於今無所用愚謂天秩有禮小大由之冠昏喪祭必於是稽焉文公大儒猶以為無所用毋怪乎冠禮之行不非鄭尹而快孫子也

藝文志謂之禮古經未有儀禮之名張淳云疑後漢學者見十七篇中有儀有禮遂合而名之孔壁古文多

三十九篇康成不注遂無傳焉

注謂古文作某者即十七篇古文也論衡

以為宣帝時河內女子壞老屋得佚禮恐非

天子巡狩禮朝貢禮王居明

堂禮烝嘗禮朝事儀見於三禮注學禮見於賈誼書

古大明堂之禮見於蔡邕論雖寂寥片言如斷圭碎

璧猶可寶也

若璩按孔壁古文禮三十九篇讀隋牛弘傳始知書亡於隋以前故隋經籍志

無其目

朝事儀見大戴禮記卷十二非逸經也

賈誼引學禮本禮記保傅篇古大明堂之禮蔡邕明

言禮經皆

非逸經

六藝論五傳弟子謂高堂生之學蕭奮孟卿后倉戴德

戴聖也

士冠禮注今之未冠笄者著卷幘類象之所生滕薛名

箇為類

箇古內反續漢輿服志箇晉珥集韻有箇幘無箇字疏云卷幘之類

隸釋武榮

碑云闕幘

兄弟畢袵玄注袵同也古文袵為均疏云當讀如左傳

均服振振按後漢輿服志秦郊祀之服皆以袵玄蓋

袵字誤為袵釋文之忍反亦誤

士冠禮有醮用酒注以為用舊俗士喪禮云商祝夏祝

則禮之兼夏殷者

二十為字未呼伯仲至五十乃加而呼之此儀禮賈疏也二十已有伯某甫仲叔季雖云伯仲皆配某甫而言至五十直呼伯仲此禮記孔疏也朱文公曰疑孔疏是石林

若據按石林  
條夢得號

謂五十為大夫去某甫言伯

仲而冠以氏如南仲榮叔南季之類然仲山甫尹吉甫皆卿士亦以字為重

冠辭令月吉日吉月令辰互見其言論語迅雷風烈九

歌吉日兮辰良相錯成文

士昏禮目錄日入三商為昏疏云商謂商量是漏刻之名故三光靈曜亦日入三刻為昏不盡為明案馬氏云日未出日沒後皆二刻半前後共五刻今云三商者據整數而言其實二刻半也詩正義云尚書緯謂刻為商夏文莊蓮華漏銘五夜持宵三商定夕蓋取

此

燕子吳亦云三商而脈高春而起 若據按淮南天文訓日至於淵陽是謂高春高春乃戌時似誤

認



鄉飲酒疏曰卿大夫飲酒尚德也黨正飲酒尚齒也公是劉氏曰謀賓介於先生尚德也旅酬以齒老者異秩尚年也大夫為僕坐於賓東尚爵也

鄉射禮設豐燕禮有豐注豐形似豆而卑三禮圖云爵爵作人形豐國名也坐酒亡國戴孟戒酒雀駟酒箴豐侯沈酒荷甕負缶自裁於世圖形戒後李尤豐侯銘豐侯醉亂乃象其形

燕禮疏四向流水曰東雷考工記之四阿上林賦之四

注也兩下屋曰東榮擅弓之夏屋也

士冠禮注周制自卿大夫以下

其室為

夏屋

夏侯勝善說禮服謂禮之喪服也蕭望之以禮服授皇太子則漢世不以喪服為諱也唐之姦臣以凶事非臣子所宜言去國卹一篇而凶禮居五禮之末五服如父在為母叔嫂之類率意輕改皆不達禮意者五

服制度附於令自後唐始

見五代史馬縞傳若璩按己未庚申在京師與汪

鈍翁論喪禮不合鈍翁詆余曰聞渠有嚴親在奈何喋喋與人言喪禮豫凶事非禮也余對以此條徐原

一宮贊曰於史有微矣於經亦有微乎君其思之余退而思得二事曰雜記曾中問於曾子曰哭父母有常聲乎中曾子次子也禮子張死曾子有母之喪齊衰而往哭之案昔者孔子沒他日子張尚存見孟子子張死而是時曾子方有母喪則孔子在時曾子母在堂可知也既在堂胡忍以喪禮相往後若曾子問者乎宮贊擊節曰雖百喙亦不能解矣舊唐禮儀志高宗顯慶二年長孫無忌奏今作疏有舅報甥之服則五服制度附於令不自後唐始五代史記誤

宋何承天傳云先是禮論有八百卷承天刪減并合為

三百卷又王儉別鈔條目為三十

若據按南史王儉傳作十三

卷

梁孔子祛續一百五十卷隋江都集禮亦撮禮論為

之朱文公謂六朝人多精於禮當時專門名家有此學朝廷有禮事用此等人議之唐時猶有此意潘徽江都集禮序曰明堂曲臺之記南宮東觀之說鄭王徐賀之荅崔譙何庾之論簡牒雖盈菁華蓋鮮杜之松借王無功家禮問喪禮新義無功條荅之又借王儉禮論則謂往於處士程融處曾見此本觀其制作動多自我周孔規模十不存一今諸儒所著皆不傳蓋禮學之廢久矣

禮特牲不言牢楚語天子舉以大牢注牛羊豕也卿舉

以少牢注羊豕漢昭紀祠以中牢注中牢即少牢謂

羊豕也

唐牛羊日廕牛僧孺楊虞卿有太牢羊少牢口之語然太牢非止於牛少牢非止於羊也

歐陽公自云平生何嘗讀儀禮而濮議為言者所詆高抑崇於鄉飲考儀禮不詳而朱文公譏之禮學不可

不講也

若據按燕氏談訓曰歐陽公不甚留意禮經嘗與祖父說濮議自云修平生何嘗讀儀禮

偶一日至于弟書院中几案有之因取讀見為人後者為其父齊哀杖期云云與修意合由是破諸異議自謂得之多矣然則濮議正從儀禮得來昔未讀今知之耳王氏語誤但儀禮在不杖期條內歐公云杖

亦誤

布八十縷為一升鄭謂升當作登登成也吳仁傑曰今

織具曰筥以成之多少為布之精麤大率四十齒為

一成而兩縷共一齒正合康成之說

袁三升其麤者  
緇布冠三十升

其細者

聘禮注君行一臣行二疏謂出齊語今按此晏子之言

見韓詩外傳衛孫文子聘魯公登亦登叔孫穆子曰

子不後寡君一等

若據按韓詩外傳晏子聘魯上堂  
則趨授玉則跪既退孔子問焉晏

子對曰夫上堂之禮君行一臣行二今君行疾臣敢  
不趨乎今君之受帶也卑臣敢不跪乎孔子曰善禮  
中又有禮至衛孫文子聘魯  
事乃又一義王氏引亦非

皮樹注云獸名張鑑三禮圖云皮樹人面獸形

他書未見

詩禮相為表裏賓之初筵行葺可以見大射儀楚茨可  
以見少牢饋食禮

燕禮公與客燕曰寡君有不腆之酒以請吾子之與寡  
君須臾焉使某也以請對曰寡君君之私也君無所  
辱賜于使臣臣敢辭春秋辭命之美有自來矣

覲禮諸侯覲于天子為宮方三百步四門壇十二尋深  
四尺加方明于其上陳宣帝太建十年立方明壇于  
婁湖以始興王叔陵為王官伯臨盟百官此與蕪綽  
之六官蕪威之五教何以異

傳曰不協而盟無故而盟百官不幾於戲乎

士相見義曰古者非其君不仕非其師不學非其人不  
友非其大夫不見

若據按士相見義劉敞補亡朱子儀禮經傳通解取之

鄉先生謂父師少師教于閭塾也古者仕焉而已者歸  
教於閭里書大傳謂之父師少師白虎通謂之右師



左師

庠為鄉學有堂有室序為州學有堂無室有室則四分  
其堂去一以為室故淺無室則全得其四分以為堂  
故深

禮記

若璩按士子夏請唐司業李元瓘上言明經所習務在出身咸以禮記文少人皆競請禮記在

唐試士為大經何以文反少曾徧問之人不得質諸書末由畜致義者二十九載今八月朔晨起讀唐書  
選舉志云禮記春秋左氏傳為大經詩周禮儀禮為  
中經易尚書春秋公羊傳穀梁傳為小經通二經者  
大經小經各一若中經二通三經者大經中經小經  
各一通五經者大經皆通餘經各一不覺洞然曰唐

制通五經固蹟大經即凡通二經三經亦必讀一大  
經禮記大經陸九萬餘字左氏傳一十九萬餘字誰  
肯舍九萬餘字之經而誦習十九萬餘字者乎余以  
同時楊瑒奏今之明經習左氏者十無二三正合所  
謂禮記文少者較特少於左  
氏傳耳為之快絕附識於此

魏徵傳曰以小戴禮綜彙不倫更作類禮二十篇數年  
而成太宗美其書錄實內府藝文志云次禮記二十  
卷舊史謂採先儒訓注擇善從之諫錄載詔曰以類  
相從別為篇第并更注解文義粲然會要云為五十  
篇合二十卷

傳以卷為篇

元行沖傳開元中魏光乘

集賢注記

魏

請用類禮列于經命行沖與諸儒集義作疏將立

之學乃采獲刊綴為五十篇張說言戴聖所錄向已千載與經並立不可罷魏孫炎始因舊書摛類相比有如鈔撮諸儒共非之至徵更加整次乃為訓注恐不可用帝然之書留中不出行沖著釋疑曰鄭學有

孫炎雖扶鄭義乃易前編條例支分箴石間起馬仙增革向踰百篇葉遵刪修僅全十二魏氏采衆說之

精簡刊正艾磬

某賢注記張說曰孫炎始改舊本以類相比徵因炎舊書整比為注

朱文

公惜徵書之不復見此張說文人不通經之過也行  
沖謂章句之士疑於知新果於仍故比及百年當有  
明哲君子恨不與吾同世者觀文公之書則行沖之

論信矣

隋志禮記三十卷魏孫炎注 若璩按詩除  
解毛外又有葉詩二十卷宋葉遵注即行沖

所云葉  
遵也

道德仁義非禮不成是以君子恭敬搏節退讓以明禮  
見賈誼新書禮篇劉原父謂若夫坐如尸立如齊乃  
大戴記曾子事父母篇之辭若夫二字失於刪去然

則曲禮之所采撫非一書也

若璩按大戴禮記若夫  
坐如尸之上曰孝子唯

巧變故父母  
安之語精

恒言不稱老漢胡廣年已八十繼母在堂言不稱老

賜果於君前說苑晏子曰賜人主前者瓜桃不削橘柚

不剖漢桓榮詔賜竒果舉手捧之以拜

儼人必於其倫說苑魏文侯封子擊中山倉唐奉使文

侯顧指左右曰子之君長孰與是倉唐曰儼人必於

其倫諸侯無偶無所儼之曰長大孰與寡人倉唐曰

君賜之外府之裘則能勝之賜之斥帶則不更其造  
列女傳孟母曰禮將入門問孰存將上堂聲必揚將入  
戶視必下今曲禮闕二句孟子曰放飯流歃而問無  
齒決亦本於曲禮

在醜夷不爭唐沈季誼事母孝未嘗與人爭皆以為怯  
季誼曰吾怯乎為人子者可遺憂於親乎哉

古者王司敬民豈有獻民虜田以井授豈有獻田宅無  
總于貨寶豈有受珠玉記禮者周之末造也

張拱出曲禮注

室中不翔注行而張拱曰翔

葉拱出書大傳

子夏葉拱而進

又家語師襄子辟席葉拱而對注兩手薄其心

君子欠伸一章余在經筵進講謂君以自彊不息為剛

臣以陳善閉邪為敬講經理討古今有夜分日昃而不倦者上無厭斁之心下無顧望之意是故學以聚之而德益進問以辨之而理益明蓋因以規諷云

若璩

按王氏在經筵為度宗咸淳元年乙丑值人日雪帝問有何故事以唐李嶠李乂等應制詩對因奏春雪過多民生飢寒方寸仁愛宜謹感名

古以車戰春秋時鄭晉有徒兵而騎兵蓋始於戰國之

初曲禮前有車騎六韜言騎戰其書當出於周末然

左氏傳左師展將以昭公乘馬而歸公羊傳齊魯相

遇以鞍為几已有騎之漸

若璩按程大昌雍錄云古皆乘車今古公廩父曰走

馬恐此時或已變乘為騎蓋避狄之遽不暇駕車余

曾戲題其端曰當時有姜女同行宜天立厥配亦善

騎馬耶按樂師云行以肆夏趨以采薺車亦如之

註王行於大寢之中則奏肆夏詩為節趨於朝廷之

上則奏采薺詩為節行緩而趨疾故車之疾徐亦以

二詩為節也釋名疾行曰趨疾趨曰走車既可謂之

趨則亦可

謂之走



曲禮禮器內則疏引隱義云按隋志禮記音義隱一卷

射

若城按今本作謝

氏撰

又音義隱七卷

檀弓載申生辭於狐突曰伯氏不出而圖吾君澹庵胡氏謂狐突事晉未嘗去此云不出記禮者誤愚考晉語申生敗翟於稷桑而反讒言益起狐突杜門不出申生使猛足言於狐突曰伯氏不出奈吾君何胡氏蓋未考此非記之誤也

檀弓筆力左氏不逮也於申生杜蕢

傳作屠蒯

二事見之致

堂胡氏曰檀弓曾子門人其文與中庸之文有似論語子思檀弓皆纂修論語之人也

若據按康成謂撰定論語者仲弓游

夏等非

檀弓

家語終記云泰山其頽則吾將安仰梁木其壞吾將安仗喆人其萎吾將安放檀弓無吾將安仗四字或謂廬陵劉美中家古本禮記梁木其壞之下有則吾將安仗五字蓋與家語同

九嶷山在零陵而云舜葬蒼梧者文頽曰九嶷半在蒼

梧半在零陵

曾子之子元申子張之子申祥子游之子言思皆見檀

弓

若璩按言思為申祥妻之昆弟  
則子張與子游兒女姻家也

春秋繁露言爵五等其分土與王制孟子同又云附庸

字者方三十里名者方二十里人氏者方十五里蓋

公羊家之說

王制注小城曰附庸庸古墉字

王莽曰附城蓋以庸為城也河校本云注十一

字亦

正文

馬融云東西為廣南北為輪王制南北兩近一遙東西

兩遙一近是南北長東西短

若據按皇氏云近者言不滿千里遠者言不遠

千里熊氏則以近者謂過千里遙者謂不滿千里此云長短用熊氏說漢地東西九千三百二里南北

萬三千三百六十八里隋東西九千三百里南北一萬四千八百一十五里唐東西九千五百一十一里

南北一萬六千九百三十八里宋東西六千四百八十五里南北萬一千六百二十里元東南所至不下

漢唐而西北則過之有難以里數限者皆南北長東西短也

范蜀公曰周兼用十寸八寸為尺漢專用十寸為尺

夏小正曰正月啓蟄月令孟春蟄蟲始振仲春始雨水

注云漢始以驚蟄為正月中雨水為二月節左傳啓

蟄而郊

建寅之月

正義云太初以後更改氣名以雨水為

正月中驚蟄為二月節迄今不改

改啓為驚蓋避景帝諱

周書

時訓雨水之日獺祭魚驚蟄之日桃始華易通卦驗

先雨水次驚蟄此漢太初後歷也月令正義云劉歆

作三統歷改之又按三統歷穀雨三月節清明中而

時訓通卦驗清明在穀雨之日與今歷同然則二書

皆作於劉歆之後時訓非周公書明矣是以朱子集

儀禮取夏小正而不取時訓馬融注論語謂周書月

令有更火之文其篇今亡

若據按三統歷以武王元年三月二日庚申驚蟄三

月者建寅之月與左氏曆蟄而郊月數同時訓解雖未必周公書而先雨水後驚蟄則是傳寫人以後

之節次上

改古歷耳

周書序周公辨二十四氣之應以明天時作時訓唐大

衍歷議七十二候原于周公時訓月令雖頗有增益

然先後之次則同自後魏始載于歷乃依易軌所傳

不合經義今改從古

李業興以來迄麟德歷凡七家皆以雞始乳為立春初候東風

解凍為次候與周書相校  
二十餘日一行改從古義

漢上易圖云夏小正具十

二月而無中氣有候應而無日數時訓乃五日為候  
三候為氣六十日為節二書詳略雖異大要則同易  
通卦驗所記氣候比之時訓晚者二十有四早者三  
當以時訓為定故揚子雲大玄二十四氣關子明論  
七十二候皆以時訓

時訓月令七十二候鴈凡四見孟春鴻鴈來夏小正曰

鴈北鄉呂氏春秋淮南時則訓曰候鴈北

月令注今月令鴻皆

為候而不言北蓋來字本北字康成時猶未誤故曰  
鴈自南方來將北反其居其後傳寫者因仲秋鴻鴈

來誤以北為來仲秋鴻鴈來呂氏淮南曰候鴈來季秋鴻鴈

來賓爵入大水為蛤小正曰九月遘鴻鴈呂氏淮南

曰候鴈來高誘許叔重注以候鴈來為句賓爵老爵也棲宿人

堂宇之間有似賓客故曰賓爵季冬鴈北鄉小正在正月易說在二

月正義謂節氣有早晚

魚上冰夏小正曰魚陟負冰陟升也負冰云者言解凍也淮南曰魚

上負冰注鯉魚應陽而動上負冰也鹽石新論謂小戴去一負字



於文為闕然時訓與月令同呂氏春秋亦無負字

仲冬虎始交易通卦驗云小寒季冬鵲始巢詩推度災  
云後之日雉雊雞乳通卦驗云立春皆以節氣有早  
晚也

月令正義穹天虞氏所說不知其名按天文錄云虞曷  
作穹天論晉天文志云虞聳立穹天論聳曷皆虞翻  
子也虞喜安天論云族祖河間立穹天聳為河間相

然則非曷也

若據按三國志虞翻傳  
聳第六子曷第八子也

宿離不貸蔡邕曰宿日所在離月所厯

地氣上騰注農書曰土上冒極陳根可拔耕者急發正

義云汜勝之書也唐中和節進農書按會要乃武后

所撰兆人本業記三卷呂溫進表云書凡十二篇館

閣書目云載農俗四時種蒔之法凡八十事

若璩按  
汜勝之

漢成帝時議郎使教田三輔  
有好田者師之書十八篇

月令冬祀行淮南時則訓冬祀井太玄數云冬為井唐

月令冬祀井而不祀行

鷹化為鳩陰為陽所化爵化為蛤陽為陰所化莖茶如  
飴惡變而美荃蕙為茅美變而惡

曲禮隋王劭勘晉宋古本皆無稷曰明梁一句立八疑  
十二證以為無此一句

公孫弘云好問近乎知今中庸作好學

若據按宋袁變  
傳入對寧宗臣

昨勸陛下勤於好問  
而聖訓有曰問則明

王制大史典禮執簡記奉諱惡保傅傳謂不知日月之  
時節不知先王之諱與大國之惡不知風雨雷電之

青大史之任也愚謂人君所諱言者災異之變所惡聞者危亡之事大史奉書以告君召穆公所謂史獻書也

曾子問於變禮無不講天圓篇言天地萬物之理曾子之學博而約者也

若據按此有謂曾子之學專用心於內者然與

禮運致堂胡氏云子游作呂成公謂蜡賓之歎前輩疑之以為非孔子語不獨親其親子其子而以堯舜禹湯為小康是老聃墨氏之論朱文公謂程子論堯舜

事業非聖人不能三王之事大賢可為恐亦微有此  
意但記中分裂太甚幾以帝王為有二道則有病

夏時坤乾何以見夏殷之禮易象魯春秋何以見周公  
此三代損益大綱領也學者宜切磋商究之

白虎通云禮運記曰六情所以扶成五性也

今禮運  
無此語

五

性仁義禮智信韓子原性與此合

人者天地之心也仁人心也人而不仁則天地之心不立  
矣為天地立心仁也

內則桑弧蓬矢六射天地四方賈誼新書胎教篇懸弧  
之禮東方之弧以梧南方之弧以柳中央之弧以桑  
西方之弧以棘北方之弧以棗五弧五分矢東南中  
央西北皆三射其四弧餘二分矢懸諸國四通門之  
左中央之弧餘二分矢懸諸社稷門之左內則國君  
世子之禮新書王太子之禮也

上帝降衷于民后王命冢宰降德于民降德所以全所  
降之衷也元后作民父母而作之師冢宰建六典而

教典屬焉故曰周公師保萬民此君相之職也二南之化以身教內則之篇以言教

養老在家語則孔子之對哀公在書大傳則春子之對宣王記禮者兼取之宣王問於春子曰寡人欲行孝弟之義為之有道乎春子曰昔者衛聞之樂正子曰文王之治岐也云云呂氏春秋春居問於齊宣王曰今王為太室羣臣莫敢諫敢問王為有臣乎王曰為無春居曰臣請辟矣趨而出王曰春子春子反何諫

寡人之晚也此即大傳所謂春子但其名不同

大傳名衛

呂氏春

秋名居

蒙以養正罔不在厥初生古者能食能言而教之自天子至庶人一也慎子曰昔者天子手能衣而宰夫設服足能行而相者導進口能言而行人稱辭故無失言失禮也淮南主術訓魏文帝成王論袁宏後漢紀論皆用其語通鑑裴子野論古者人君養子能言而師授之辭能行而傳相之禮亦本於此

淮南云心知親而師傳諭



導身能聽而執正進諫魏文帝云相者導儀袁宏云  
身能衣今慎于存者五篇其三十七篇亡此在七篇

六年教數與方名數者一至十也方名漢志所謂五方  
也九年教數日漢志所謂六甲也十年學書計六書  
九數也計者數之詳百千萬億也漢志六甲五方書  
計皆以八歲學之與此不同

四十始仕道合則服從不可則去古之人自其始仕去  
就已輕色斯舉矣去之速也翔而後集就之遲也故  
曰以道事君不可則止

孟母曰婦人之禮精五飯罍酒漿養舅姑縫衣裳而已  
程子之母誦古詩曰女人不夜出夜出秉明燭唐時  
有不識廳屏而言笑不聞于鄰者其習聞內則之訓  
歟

張彥遠云鄭玄未辯植梨按內則注植梨之不臧者謂

之未辯可乎

若據按謂鄭公不  
識植乃陶弘景

玉藻注士以下皆禪不合而絳積如今作幪頭為之也

幪七  
絳反後漢向栩著絳綃頭注字當作幪古詩云少年

見羅敷脫巾著幪頭儀禮注如今著幪頭自項中而前交額上却繞髻也

紫間色也孔子惡其奪朱周衰諸侯服紫玉藻云玄冠紫綏自魯桓公始管子云齊桓公好服紫衣齊人尚之五素易一紫鄭康成以紫綏為宋王者之後服賈逵杜預以紫衣為君服皆周衰之制也

若璩按五素易一紫故纁

代書曰齊紫取素也而賈十倍

皮弁以日視朝沙隨程氏云皮弁視朝明目達聰若黈

纒塞耳前旒蔽明乃祀天大裘而見專誠絜也

明堂位成王命魯公祀周公以天子之禮樂春秋意林  
曰魯之有天子禮樂殆周之末王賜之非成王也魯  
惠公使宰讓請郊廟之禮於天子天子使史角往惠  
公止之其後在魯實始為墨翟之學使成王之世魯  
已郊矣則惠公奚請惠公之請也殆由平王以下乎  
惠公事見呂氏春秋仲春紀公是

若據按公是  
即前劉原父

始發

此論博而篤矣石林止齋皆因之

魯公之廟文世室也武公之廟武世室也按春秋成公六年立武宮武宮非始封之君毀已久而復立蓋僭用天子文武二祧之禮春秋之所譏而記以為禮乎

若據按季文子以鞶之功立武宮左氏明文

魯世家伯禽之孫潰弑幽公而自立周昭王之十四年也諸侯篡弑之禍自此始記謂君臣未嘗相弑不亦誣乎太史公曰揖讓之禮則從矣行事何其戾也

孔子曰魯之郊禘非禮也周公其哀矣春秋屢書以譏

其僭又書新作南門新作雉門及兩觀皆僭王制也  
若以王禮為常用則如泮宮閼宮春秋不書矣

少儀朝廷曰退進不可貪也燕遊曰歸樂不可極也

學記以發慮憲為第一義謂所發之志慮合於法式也  
一年視離經辨志一年者學之始辨云者分別其心  
所趨嚮也慮之所發必謹志之所趨必辨為善不為  
利為己不為人為君子儒不為小人儒此學之本也  
能辨之然後能繼志故曰士先志

畿內為學二為序十有二為庠三百諸侯之國半之王  
無咎之言也陸務觀取焉天子諸侯有君師之職公  
卿有師保之義里居有父師少師之教

列子云古詩言良弓之子必先為箕良冶之子必先為  
裘張湛注云學者必先攻其所易然後能成其所難  
文子曰人生而靜天之性也感物而動性之害也物至  
而應智之動也智與物接而好憎生焉好憎成形而  
智怵於外不能反已而天理滅矣與樂記相出入古

之遺言歟致堂云樂記子貢作

若據按文子明於人生而靜上繫於老子

曰蓋古有是言而老子傳之記禮者亦傳之非必有

取於老也樂記載子夏魏文侯問答為文侯二十

五年事是時子夏年一

百有八歲子貢尚存乎

大學之教也時教必有正業朱子曰古者唯習詩書禮

樂如易則掌於太卜春秋則掌於史官學者兼通之

不是正業子思曰夫子之教必始於詩書而終於禮

樂雜說不與焉

若據按英文正謂易者占筮之辭辭春秋者侯國之史記自夫子習易修

春秋後學者始以易春秋合先王教士之四術而為六經余亦謂孔子世家孔子以詩書禮樂教弟子蓋



三千馬此遵樂正之常法至及門高弟方授以易春秋故曰身通六藝者七十有二人六藝乃六經非周官之所云

六藝也

天理二字始見于樂記如孟子性善養氣前聖所未發也

史記樂書引樂記而注兼存王肅說通典引大傳亦取

肅注肅字子雍魏志有傳

集說以肅為元魏人誤也  
有兩王肅在元魏者字恭

懿不以經學名

若據按

北史王肅與劉芳合傳肅

嘗執芳手曰吾少來留意三禮在南諸儒亟共討論

今聞卿釋頓祛平生之感非不

知經特不及劉石經之精瞻耳

禮主其減史記樂書作禮主其謙

王肅曰自謙損也

禮有報而

樂有反鄭注報讀為衰孫炎曰報謂禮尚往來以勸

進之石聲磬鄭注磬當為磬樂書作石聲磬

口磬反磬

以立別

史記正義樂記公孫尼子次撰

南風之詩出尸子及家語鄭氏注樂記云其辭未聞

艾軒曰五音十二律古也舜彈五弦之琴以歌南風是

琴之全體具五音也琴之有少宮少商則不復有琴

樂之有少宮少徵則不復有樂以繁脆噍殺之調皆

生於二變也

三老五更按列子云禾生子伯宿於田更商邱開之舍更亦老之稱也

雜記里尹主之注王度記曰百戶為里里一尹其祿如庶人在官者正義按別錄王度記似齊宣王時淳于髡等所說也

孔子曰少連大連善居喪東夷之子也唐扶餘璋之子義慈號海東曾子頡利之子疊羅支其母後至不敢

嘗品肉孰謂夷無人哉

祭法注司命主督察三命孝經援神契謂命有三科有受命以保慶有遭命以謫暴有隨命以督行孟子注云命有三名行善得善曰受命行善得惡曰遭命行惡得惡曰隨命孫子荆詩三命皆有極皆本援神契祭義曰術省之賈山至言術追厥功術與述同

孔悝鼎銘六月丁亥公假于太廟注謂以夏之孟夏禘祭正義哀十五年冬蒯賾得國十六年六月衛侯飲

孔悝酒而逐之此云六月命之者蓋命後即逐之也  
愚按通鑑外紀目錄是年六月丁未朔則無丁亥當  
闕疑裴松之曰孔悝之銘行是人非

經解以詩為首七略藝文志阮孝緒七錄用易居前王  
儉七志孝經為初

坊記引論語曰三年無改於父之道論語成於夫子之  
門人則記所謂子云者非夫子之言也

坊記注引孟子曰舜年五十而不失其孺子之心今本

云五十而慕康成注禮必有所據

孔子曰國家有道其言足以治國家無道其默足以容

蓋銅鍤

若璩按大戴禮記作桐提此從家語

伯華之行也

大戴禮家語

曾子

曰孝子之事親也居易以俟命不興險行以僥倖中

庸之言本此

仁者人也注人也讀如相人偶之人以人意相存問之言朱文公問呂成公相人偶此句不知出於何書疏中亦不說破

呂荅未凡當考禮記集說削此二句

周禮注璩讀如薄借

綦之綦鞮讀如旃僕之僕疏皆以為未聞

若據按鄭註大射儀

揖以耦曰言以者耦之事成於此意相人耦也聘禮每曲揖曰以相人偶為敬也公食大夫禮賓入三揖

曰相人偶賈公彥疏亦

晏曰以人意相存偶

期之喪達乎大夫呂與叔之說詳矣朱文公謂古人貴  
貴之義然亦是周公制禮以後方如此故檀弓又云  
古者不降上下各以其親

大經大本注大經春秋也大本孝經也蓋泥於緯書志  
在春秋行在孝經之言其說疏矣

衣錦尚絅書大傳作尚黷注黷讀為絅或為締

朱文公荅項平父書云子思以來教人之法惟以尊德性道問學兩事為用力之要子靜所說專是尊德性事而某平日所論問學上多所以為彼學者多持守可觀而看義理不細而某自覺於為己為人多不得力今當反身用力去短集長庶幾不墮一邊即此書觀之文公未嘗不取陸氏之所長也太極之書豈好辯哉



徐彥伯樞機論曰中庸鏤其心左階

若璩按今家語作右階

銘其

背中庸鏤心未詳所出但有服膺之語

若璩按鏤心即服膺彥伯

澀體易拘為卉人竹馬為蘇驂大抵如是

樂記倒載干戈包之以虎皮名曰建纁字或作建臯服  
虔引以解左傳蒙臯比

緇衣葉公之顏命曰毋以小謀敗大作毋以嬖御人疾  
莊后毋以嬖御士疾莊士大夫卿士周書祭公篇公  
曰汝無以嬖御固莊后汝無以小謀敗大作汝無以

嬖御士疾大夫卿士汝無以家相亂王室而莫恤其

外

葉公當作祭公  
疑記禮者之誤

深衣方領朱文公謂衣領之交自有如矩之象續衽鉤  
邊者連續裳旁無前後幅之縫左右交鉤即為鉤邊  
非有別布一幅裁之如鉤而綴于裳旁也康成注鉤  
邊若今曲裾文公晚歲去曲裾之制而不用愚以漢  
史考之朱勃之衣方領謂之古制可也江充之衣曲  
裾謂之古制可乎此文公所以改司馬公之說

大戴記投壺篇末云弓既平張四侯且良決拾有常既  
順乃讓乃揖乃讓乃躋其堂乃節其行既志乃張射  
夫命射射者之聲御車之旌既獲卒莫此命射之辭  
也

哀公之問非切問也故孔子於問舜冠則不對於問儒  
服則不知

儒行言自立者二言特立者一言特立獨行者一人所  
以參天地者其要在此如有所立卓爾顏子言之立

天下之正位先立乎其大者孟子言之

大學之親民當為新猶金縢之新逆當為親也皆傳寫之誤

古之人文以達意非有意於傳也湯盤銘以大學傳虞人箴祈招詩讒鼎以左氏傳楚狂滄浪之歌以孔孟氏之書傳

知止而后有定章句云志有定向或問云事事物物皆有定理其說似不同當以章句為正

子罕却玉韓起辭環有無窮之名季氏之璵璠向魍之  
夏璜有無窮之惡故曰惟善以為寶

鄉飲酒義立三宥以象三光注三光三大辰也天之政

教出於大辰焉公羊傳大火心伐參北辰北為大辰

漢文帝詔上以累三光之明顏注謂日月星

春秋正義引辨名記云倍人曰茂十人曰選倍選曰僞  
千人曰英倍英曰賢萬人曰桀倍桀曰聖禮記正義  
引之以為蔡氏白虎通引禮別名記曰五人曰茂十

人曰選百人曰俊千人曰英倍英曰賢萬人曰傑萬  
傑曰聖蓋禮記逸篇也

後漢崔琦對梁冀曰將使玄黃改色馬鹿易形乎注言  
馬鹿而不言玄黃按禮器或素或青夏造殷因注云  
變白黑言素青者秦二世時趙高欲作亂或以青為  
黑黑為黃民言從之至今語猶存也琦所謂玄黃改  
色即此事也

荀子引聘禮志曰幣厚則傷德財侈則殄禮禮云禮云

玉帛云乎哉此即聘義所謂輕財重禮也

若璩按聘禮記多質

則傷于德帶美則沒禮荀子

所引自本此於聘義無涉

後漢東夷傳徐夷率九夷以伐宗周西至河上穆王畏其方熾乃分東方諸侯命徐偃王主之檀弓載徐容居之對曰昔我先君駒王西討濟于河然則駒王即偃王歟濟河即所謂西至河上也

易乾鑿度水為信土為知中庸注水神則信土神則知服氏注左傳土為信朱文公謂信猶五行之土服說

是也

儒行云其過失可微辨而不可面數也子路喜聞過善人能受盡言如諱人之面數則面諛之人至而曾子不當三數子真矣以是為剛毅焉得剛故程子謂游說之士所為誇大之說

方懋解王制云爵欲正其名故官必特置祿欲省其費

故職或兼掌愚嘗聞淳熙

若據按孝宗在位十二年甲午改元

中或言

秦檜當國時遜於除授一人或兼數職未嘗廢事又



可省縣官用度於是要官多不補御史中丞蔣繼周  
論之曰往者權臣用事專進私黨廣斥異已故朝列  
多闕今獨何取此朝臣俸祿有限其省幾何而遺才  
乏事上下交病且一官治數司而收其稟裴延齡用  
以欺唐德宗也以是觀之則兼職省費豈王者之制  
乎

周官上公九命王制有加則賜不過九命伏生大傳謂  
諸侯三年一貢士一適謂之好德再適謂之賢賢三

適謂之有功有功者天子一賜以車服弓矢再賜以  
鉅鬯三賜以虎賁百人號曰命諸侯此言三賜而已  
漢武紀元朔元年有司奏議曰古者諸侯貢士壹適  
謂之好德再適謂之賢賢三適謂之有功迺加九錫  
九錫始見於此遂為篡臣竊國之資自王莽始禮緯  
含文嘉有九錫之說亦起哀平間飾經文姦以覆邦  
家漢儒之罪大矣

表記殷人先罰而後賞漢武帝謂殷人執五刑以督姦

皆言殷政之嚴也書曰代虐以寬詩曰敷政優優豈尚嚴哉

仁右道左仁對道而言張宣公以為言周流運用處右為陽而用之所行也左為陰而體之所存也

國君沐梁大夫沐稷士沐梁司馬公曰禮別嫌明微大夫貴近於君故推而遠之以防僭偏之端士賤遠於君雖與之同物無所嫌也

善教者使人繼其志弟子累其師李斯韓非之於荀卿

也弟子賢於師盧植鄭玄之於馬融也

曲禮刑不上大夫家語冉有問刑不上於大夫孔子曰  
凡治君子以禮御其心所以屬之以廉恥之節也其  
言與賈誼書同而加詳焉誼蓋述夫子之言也秋官  
條狼氏誓大夫曰鞭恐非周公之法

文子曰聖人不慙於影君子慎其獨也劉子曰獨立不

慚影獨寢不愧衾

高彥先謹獨銘曰其出戶如見審其入虛如有人其行無愧於影其

寢無愧於衾四

句並見劉子

大學章句咏歎淫液刊本誤為淫泆

月令言來歲者二季秋為來歲受朔日秦正建亥也季

冬待來歲之宜夏正建寅也

月令作於秦雖用夏時  
猶存秦制淮南時則訓

與月令同漢太初以

前猶以十月為歲首

理道要訣云周人尚以手搏食故記云共飯不澤手蓋

獎俗漸改未盡今夷狄及海南諸國五嶺外人皆以

手搏食豈若用匕筯乎三代之制祭立尸自秦則廢

後魏文成時高允獻書云祭尸久廢今俗父母亡取

狀貌類者為尸敗化黷禮請釐革又周隋蠻夷傳已  
梁間為尸以祭今郴道州人祭祀迎同姓伴神以享  
則立尸之遺法乃本夷狄風俗至周末改耳以人殉

葬至周方革猶未能絕

秦穆公魏顆  
之父陳乾昔

今戎狄尚有之

中華久絕矣

若璩按立尸乃古  
法外裔猶存耳

少儀穎警枕也謂之穎者穎然警悟也司馬文正公以

圓木為警枕少睡則枕轉而覺乃起讀書

穎元枕  
作穎

舜葬蒼梧山野薛氏曰孟子以為卒於鳴條呂氏春秋

舜葬於紀蒼梧山在海州界近莒之紀城鳴條亭在

陳留之平邱今考九域志海州東海縣有蒼梧山

據若

按海州蒼梧山即山海經之鄒州無舜葬於此之說

儒行言儒之異十有七條程子以為非孔子之言胡氏謂游夏門人所為其文章殆與荀卿相類

古者無一民不學也二十五家為閭閭同一巷巷有門門有兩塾上老坐於右塾為右師庶老坐於左塾為左師出入則里胥坐右塾鄰長坐左塾察其長幼揖

遊之序新穀已入餘子皆入學距冬至四十五日始  
出學所謂家有塾也聞之先儒曰先王之時其人則  
四民也其居則六鄉三采五比四閭也其田則一井  
二牧三屋九夫也其官則三吏六聯五侯九伯也其  
教則五典十義六德六行也其學則五禮六樂五射  
六若珠按六當作五馭六書九數也少而習焉其心安焉正  
歲孟月之吉黨正社禴之會讀法飲射無非教也弟  
子之職攝衣沃盥執帚播灑饌饋陳膳執燭奉席無



非學也漢猶有三老掌教化父兄之教子弟之率餘  
論未泯清議在鄉黨而廉恥興焉經學有師法而義

理明焉吁古道何時而復乎

若據按先王之時至其心安焉皆魏華父瀘州

學記之文其田以下其官以上有其食則九教六畜  
五牲三犧也其服則九文六采五色五章也二向王  
氏節去猶可獨原文其教則五帝五典而人身而人  
倫最妙易作五典十義十義出禮述即父子有親君  
臣有義等也不與五典後  
乎惜不及其時而問之

繫矩學者之事也從心所欲而不踰矩聖人之事也

孔子射於矍相之圃呂與叔曰孔子溫良恭讓其於鄉

黨似不能言未聞拒人如是之甚疑不出於聖人特  
門人弟子逆料聖人之意而為此說將以推尊聖人  
而不知非聖人之所當言

此言可以厲浮薄  
之俗故表而出之

### 大戴禮記

大戴禮哀公問投壺二篇與小戴無甚異禮察篇首與  
經解同曾子大孝篇與祭義相似而曾子書十篇皆  
在馬勸學禮三本見于荀子保傳篇則賈誼書之保  
傳傳職胎教容經四篇也漢書謂之保傳傳

大戴禮盧辯注非鄭氏朱文公引明堂篇鄭氏注云法

龜文未考北史也

若據按盧辯傳辯字景宣以大戴禮未有解詁乃注之

易本命篇與家語同但家語謂子夏問於孔子孔子曰  
然吾昔聞老聃亦如汝之言子夏曰商聞山書曰云  
云大戴以子曰冠其首疑此篇子夏所著而大戴取  
之為記

踐阼篇載武王十七銘後漢朱穆傳注引太公陰謀武  
王衣之銘曰桑蠶苦女工難得新捐故後必寒鏡銘

曰以鏡自照見形容以人自照見吉凶觴銘曰樂極則悲沈湎致非社稷為危崔駰傳注引太公金匱武王曰吾欲造起居之誠隨之以身凡之書曰安無忘危存無忘亡熟惟二者必後無凶杖之書曰輔人無苟扶人無咎太平御覽諸書引太公陰謀筆之書曰毫毛茂茂陷水可脫陷文不活筮之書曰馬不可極民不可劇馬極則躓民劇則敗又引金匱其冠銘曰寵以著首將身不正遺為德咎書履曰行必慮正無

懷僥倖書劍曰常以服兵而行道德行則福廢則覆  
書車曰自致者急載人者緩取欲無度自致而反書  
鏡曰以鏡自照則知吉凶門之書曰敬遇賓客貴賤  
無二戶之書曰出畏之入懼之牖之書曰闕望審且  
念所得可思所忘鑰之書曰昏謹守深察訛硯之書  
曰石墨相著而黑邪心讒言無得汗白書鋒曰忍之  
須臾乃全汝軀書刀曰刀利磴磴無為汝開書井曰  
原泉滑滑連旱則絕取事有常賦斂有節蔡邕銘論

謂武王踐阼于太師作席几楹杖器械之銘十有八章參考金匱陰謀之書則不止於十八章矣書於

篇後俾好古者有考

若據按書於篇後謂踐阼  
柄也王氏嘗集解踐阼篇

武王東面而立師尚父西面道丹書之言皇氏曰王在

賓位師尚父在主位此王廷之位若尋常師徒之教

則師東面弟子西面與此異

若據按古弟子北面郭  
阼曰北面拘指逡巡而

進以求臣則師傅之材至矣一曰趾  
指而事之北面而受學則百已者至

山谷以太公所誦丹書及武王銘書於坐之左右以為

息黥補劓之方朱文公亦求程可久寫武王踐阼一

篇以為左右觀省之戒

儀禮經傳刑且臣開之至必及其世大學或問因湯盤銘

及武王

之銘

大戴記之夏小正管子之弟子職孔叢子之小爾雅古

書之存者三子之力也

誥志篇孔子曰古之治天下者必聖人聖人有國則日

月不食星辰不孛慈湖

若據按慈湖揚簡說

謂堯舜禹之時歷

年多無日食至太康失邦始日食歷家謂日月薄食

可以術推者良世之術也而亦不能一一皆中一行歸之君德頗與孔子之言合一行之術精矣而有此論則誠不可委之數

說苑引子思曰學所以益才也礪所以致及也吾嘗幽處而深思不若學之速吾嘗跂而望不若登高之博見故順風而呼聲不加疾而聞者衆登邱而招臂不加長而見者遠故魚乘於水鳥乘於風草木乘於時與大戴禮荀子勸學篇略同隋唐志又有蔡邕勸學



篇一卷易正義引之云鼯鼠五能不成一伎術

音蔡  
誤讀

爾雅不熟幾為勸  
學死謂勸學篇也

荀子梧鼠大戴云鼯鼠蟹六跪二

螯大戴云二螯八足

曾子曰與君子游如長日加益而不自知也董仲舒之  
言本於此行其所聞則廣大矣仲舒云行其所知則  
光大矣

曾子制言曰良賈深藏如虛君子有盛教如無與史記  
老子之言略同

公符篇載孝昭冠辭其后氏曲臺所記歟

後漢禮儀志注引博物記

云迎日辭亦見尚書大傳

三句與洛誥同

哀公問五義云穆穆純純其莫之能循荀子云繆繆肫肫其事不可循蓋古字通用揚倬注繆當為膠肫與訛同非也

賈誼審取舍之言見禮察篇

四代篇引詩云東有開明

遼景帝諱也

於時雞三號以興庶

虞庶虞動蜚征作嗇民執功百草咸淳

庶虞蓋山虞澤虞之屬馬

融廣成頌

用飛虬

虞戴德篇昔商老彭及仲隗政之教大夫官之教士技

之教庶人

仲隗當考

小辨篇子曰綴學之徒安知忠信

劉歆書綴學之士本此

傳言以象反舌皆至

象者象胥舌人之官也

爾雅以觀於古足以辨言矣注謂依於雅頌

張揖云即爾雅也爾

雅之名始

見於此

保傳篇靈公殺洩冶而鄧元去陳以族從

鄧元事唯見於此當考

若據按鄧元事亦見

賈誼新書卷之十

文王官人

若據按當作曾子立市

篇其少不諷誦其壯不論議其

老不教誨亦可謂無業之人矣

此言可以傲學者若據按荀子引孔子

曰少而不學長無能也老而不教死無思也是故君子少思長則學老思死則教余幾一日百誦之

傅氏夏小正序鄭注月令引小正者八今按月令孟冬

講武注引夏小正十一月王狩凡引小正者九

詩七月箋

引小正者一

朱子發曰夏小正具十二月而無中氣有候

應而無日數至時訓乃五日為候三候為氣六十日

為節宣時訓因小正而加詳歟

孔子三朝七篇藝文志注孔子對魯哀公語也三朝見公故曰三朝大戴禮記千乘四代虞戴德誥志小辨用兵少間凡七篇

樂

樂緯動聲儀頌頊之樂曰五莖帝嚳之樂曰六英漢志白虎通云六莖五英帝王世紀高陽作五英高辛作六莖列子注以六莖為帝嚳樂淮南子注以六莖為

顓頊樂通鑑外紀云漢志世紀放六樂撰其名故多異

徐景安樂章文譜曰五音合數而樂未成文案旋宮以明均律迭生二變方協七音乃以變徵之聲循環正徵復以變宮之律迴演清宮其變徵以變字為文其變宮以均字為譜唯清之一字生自正宮倍應聲同終歸一律陳晉之樂書謂二變四清樂之蠹也四清之名起於鐘磬二八之文二變之名起於六十律旋

宮之言非古制也朱文公曰半律通典謂之子聲此是古法但後人失之而唯存黃鐘大呂太簇夾鐘四律有四清聲即半聲是也變宮變徵始見於國語注後漢志乃十二律之本聲自宮而下六變七變而得之者非清聲也凡十二律皆有二變一律之內通五聲合為七均祖孝孫王朴之樂皆同所以有八十四調者每律各添二聲而得之也

正聲是全律之聲如黃鐘九寸是也子聲

是半律之聲如黃鐘四寸半是也宮與羽角與徵相去獨遠故於其間製變宮變徵二聲仁宗實

錄敘皇祐新樂云古者黃鐘為萬事根本故尺量權衡皆起於黃鐘至晉隋間累黍為尺而以制律容受卒不能合及平陳得古樂遂用之唐興因其聲以制樂其器雖無法而其聲猶不失於古王朴始用尺定律而聲與器皆失之太祖患其聲高特減一律至是又減半律然太常樂比唐之聲猶高五律比今燕樂高三律失之於以尺而生律也其言皆見於范蜀公樂書實錄蓋蜀公之筆也房庶言以律生尺蜀公謂



黃帝之法也司馬公謂胡李之律生於尺房庶之律生於量皆難以定是非蔡季通謂律度量衡言蓋有序若以尺寸求之是律生於度若以累黍為之是律生於量皆非也故自為律吹之而得其聲

蜀公父名度故以度

量為尺量然實錄不宜避私諱

淮南子天文訓云律以當辰音以當日一律而生五音十二律而為六十音因而六之故三百六十音以當一歲之日京房六十律錢樂之三百六十律本於此

考工記磬氏疏按樂云磬前長三律二尺七寸後長二律尺八寸朱文公問蔡季通不知所謂樂云者是何書今考三禮圖以為樂經書大傳亦引樂曰舟張辟雍鶴鶴相從漢元始四年立樂經讀漢志鮑鄴引樂經今其書無傳

若據按王充論衡陽成子長作樂經

晉戴邈上表曰上之所好下必有過之者焉是故雙劍之節崇而飛白之俗成挾琴之容飾而赴曲之和作蓋用阮籍樂論之語

樂論云吳有雙劍之節趙有挾琴之容

樂名周以夏宋以永梁以雅周隋以夏唐以和本朝以  
安

傅玄琴賦齊桓曰號鐘楚莊曰繞梁相如曰焦尾伯喈  
曰綠綺宋書樂志曰世云焦尾伯喈琴以傅氏言之  
非伯喈也今按蔡邕傳注引琴賦序相如綠綺蔡邕  
焦尾宋志恐誤

嵇叔夜琴賦曲引所宜則廣陵止息李善注應璩與劉  
孔才書曰聽廣陵之清散傅玄琴賦曰馬融譚思於

止息明古有此曲韓準謂嵇康為是曲當晉魏之際  
以魏文武大臣敗散於廣陵始晉雖暴興終止息於  
此今以選注考之廣陵散止息皆古曲非叔夜始撰

也

魏揚州刺史治  
青春亦非廣陵

顧況廣陵散記云曲有日宮散月

宮散歸雲引華嶽引然則散猶引也敗散之說非矣

譚思何校

本作覃思

銅山西崩靈鐘東應世說注引東方朔樊英事樂纂又  
謂晉人有銅澡盤自鳴張茂先曰此器與洛陽鐘聲

諧宮中撞鐘故鳴

朱子語錄云漢禮樂志劉歆說樂處亦好漢志無劉歆

說樂此記錄之誤近思續錄亦誤取之

隋牛弘引劉歆鐘律書出

風俗

通

周無射之鐘至隋乃毀唐顯慶之輅至本朝猶存物之

壽亦有數邪

徐氏之禮善盤辟之容而不能明其本制氏之樂紀鑑  
鎗之聲而不能言其義漢世所謂禮樂者叔孫通之

儀李延年之律爾禮缺而樂遂亡徐氏之容制氏之聲亦不復傳矣

夏侯太初辨樂論伏羲有網罟之歌神農有豐年之詠黃帝有龍袞之頌元次山補樂歌有網罟豐年二篇

文心雕龍云二言肇於黃世竹彈之謠是也

竹彈歌凡吳越

春秋

韓文公琴操十首琴有十二操不取水僊壞陵二操

范蜀公議樂曰秬一稗二米今秬黍皆一米揚次公非

之曰爾雅秬黑黍秠一稔二米其種異以為必得秠

然後制律未之前聞也

晁子止曰縱黍為之則尺長律管容黍為有餘王朴是也

橫黍為之則尺短律管容黍為不足胡瑗是也

新唐書樂志多取劉眘太樂令壁記

呂才傳云製尺八凡十二枚長短不同與律諧契尺八

樂器之名

見撫言逸史

仙隱傳房介然善吹竹笛名曰尺

八

文子曰聽其音則知其風觀其樂即知其俗見其俗即

知其化與樂記意同

呂氏春秋齊之哀也作為大呂即樂毅書所云大呂陳於元英者

孔子鼓瑟有鼠出游狸微行造焉獲而不得而曾子以為有貪狼之志客有彈琴見螿蝗方向鳴蟬惟恐螿蝗之失也而蔡邕以為有殺心一事相類

琴操曰聶政父為韓王冶劍不成王殺之時政未生及長入太山遇仙人學鼓琴七年琴成入韓豈韓有兩



聶政與

若據按琴操  
多不足辨

范蜀公曰清聲不見於經唯小胥注云鐘磬者編次之  
二十八枚而在一簾謂之堵至唐又有十二清聲  
其聲愈高國朝舊有四清聲置而弗用至劉几用之  
與鄭衛無異今考皇祐二年王堯臣等言準正聲之  
半以為十二子聲之鐘故有正聲子聲各十二子聲  
即清聲也唐制以十六為小架二十四為大架今太  
常鐘垂十六舊傳正聲之外有黃鐘至夾鐘四清聲

又樂工所陳自磬簫琴箏巢笙五器本有清聲塤箎  
竽筑瑟五器本無清聲

劉几用四清聲  
未可以為非

西山先生曰禮中有樂樂中有禮朱文公謂嚴而泰和  
而節禮勝則離以其太嚴須用有樂樂勝則流以其  
太和須用有禮

致堂胡氏曰禮樂之書其不知者指周官戴記為禮經  
指樂記為樂經其知者曰禮樂無全書此考之未深  
者孔子曰吾自衛反魯然後樂正雅頌各得其所是

詩與樂相須不可謂樂無書樂記則子夏所述也至於禮夫子欲為一書而不果成夏杞殷宋之歎是也

若據按此又以

樂記子夏作

魯雖賜以天子之禮樂其實與天子固有隆殺也樂有夷蠻而無戎狄也門有雉庫而無犖應也尊用四代之尊而爵無虞氏之爵也俎用四代之俎而豆無虞氏之豆也其後魯公僭天子之制三家僭魯公之制陪臣僭三家之制然魯有郊廟之禮始於惠公之請

在平王東遷之後

說見前 若據按小戴禮記原無明堂位祗緣馬融增入遂留詒柝

今至

鄉飲酒升歌三終

鹿鳴四牡 皇皇者華

笙入三終

南陔白華 華黍

間歌三

終

歌魚麗笙由庚歌南有嘉魚 笙崇邱歌南山有臺笙由儀

合樂三終

周南關雎 葛覃卷耳

召南鵲巢 采芣采蘋

周南召南燕禮謂之鄉樂亦曰房中之樂

若璩按周禮瑟 師謂之燕樂

大射歌鹿鳴三終

鹿鳴四牡 皇皇者華

管新宮

三終

其篇 七

笙詩無辭則管詩亦無辭

左傳宋公享昭 子賦新宮則新

官有 辭



困學紀聞卷五